

Iró-dée yíkowá-dó feríi-dée fatıma lızı

Kabaazıya

Á dǵógbóó sısı ıró-dée kezémbııdı tıjaaré né dée tılı tıdamáána ıráa na bedée yíkowá d́eyi-d́eyi ńdı tıdéndem né kééna ıró-dée ıdı yuú, na toovonúm, na féezıre dıdǵo dée yuú,

Á dǵógbóó sısı ıró-dée yíkowá-dée sóónáa na kpeenáa weeyéle yóóni wóogóná ıráa-dée laakárı kısı bıka dıdǵo iıyéle ıráa-dée lomaazé waabısı wenbí bıté bılá boyuú d́úúlinya wenkı kıdaá ıráa wónyúú d́áámá bǵmátı káma balı fıtıına na kadamburótı-daá né,

Á dǵógbóó sısı bıgée d́óóle ge yíkowá-dée kuıóó dınáa ifére ıráa-dée yíkowá káma bıkábısı ıró d́óóle ısı ıkpóóná d́óni iyoona ıró-dée imuulıd́e na ıdée yomtı,

Á dǵógbóó sısı bımóóna d́ısıná wenbí bıté bılá téédıwá-dée d́óndıre-tám ıtásı bınyóózı né,

Á dǵógbóó sısı téédıwá-dée mará baǵmáa tákarađá balızı tı fatıma sısı bǵnzınáa ıráa-dée yíkowá tıjaaré né, na ıró-dée kezénbııdı, na ıró-dée gırímá, na aláa na abaaláa-dée yíkowá-dée d́eyi-d́eyi lám, bıka dıdǵo bazıgée sısı bǵnzınáa ıráa-dée bıızán-daá bođe na bınyóózı ıráa-dée cówore féezıre-daá,

Á dǵógbóó sısı téédıwá tııgmáa tákarađá kına d́ó né na téédıwá-dée bıwóđe bǵnyáa d́e sısı Nations Unies waazım sısı bǵnzınáa wenbí bıté bılá ıráa d́úúlinya rııa-daá ıfa ıráa-dée yíkowá na bedée féezıre gırímá,

Á dǵógbóó sısı yíkowá tım na féezıre tım tıdée bala tı kóđımóú kééna wenbí bıtebılá báa weení ıkpóó tı yını né,

Wenbá rııa bııııó baıgmáa bıwótı tına né

baazı sısı: d́úúlinya rııa bıwótı tına tıdamáána ıráa-dée yíkowá kééna kpıńđe wend́e ıráa rııa na téédıwá rııa waalá tılası ısı bofu né káma ıró báa weení na zamóó báa wenkı baanı bıwótı tına né bála konkárı basıná balızı fatıma yíkowá tım na féezıre na wılı yáa bedée bıya ketı-daá, bıka bılá tılası dıdǵo bacáarı badı d́efee-d́efee bedée téédı-daá yáa d́úúlinya rııa-daá beyéle ıráa ıtılı bıka bofu ye d́eyi-d́eyi-daá báa lénle, téédıwá wentı tııva bıwótıwá tına toovonúm né tıdaá na téédıwá wentı tıııe tıdeezı né.

Wéd́e kađaa-ńđe

Bánloróó ıró báa weení na kezénbııdı ge bıka bedée d́ıozıtı na yíkowá kegée d́eyı-d́eyı ge. Bowená laakárı na ırótı bıka bııbóózı bııııóná d́amá koobıre cówore.

Wéd́e 2

Báa weení wánbıızı ıd́eezıná yíkowá na kezénbııdı tıııe bıwótı tına tı-daá né, bıdakééna taazı bıdamáána tanóó yáa aló yáa abaaló yáa kınım yáa ad́ıını yáa kowurodóm-dée lomaazé yáa cówore-daá yáa ıró-dée arızıkı yáa ıdée loróó-jó yáa yáası báa wenkı-daá.

Bıka dıdǵo, bıdalá kamaata taazıtı ııóó téédı mará-dée cówore-daá, yáa tóm fıóódı-dée cówore yáa téédı na téédıwá-dée d́amá-daá sıó-dée cówore yáa téédı wentı-daá ıró waagalıına né. Báa bılá sısı téédı tım tıııuú tıdı yáa tıııe natırı-deezı né, tıdayúúta

tɪɪ yáá téédɪ natírɪ wénbɛɛmí kɔɔɔzɪ.

Wéde 3

Iró báa weení wena yíko idj ɪdée dúúlɪnya, kezénbíídi na beféré ɪdée alaafíya cɔwɔɔɔ.

Wéde 4

Bádángbáa naáɔ yomti yáá bɔwɔtá lám. Beegízi kpataa yomti na yomáa-dée yám.

Wéde 5

Badánlám naáɔ deciridj yáá banáázɪ yɪ yáá balá yɪ wenbí bɪdamɔɔná balá ɪró né yáá baɲmíízi yɪ.

Wéde 6

Iró báa weení wená yíko batɪlí ɪdée ɪróɪ na ɪdée tɪlasɪwá báa lénle.

Wéde 7

Iráa ríɲa kée dɛyí-dɛyí ge mará-jó bɪdakéɛna taazí na bínbɔɔzɪ bekéti ɪráa dɛyí-dɛyí bɪdakéɛna taazí yáá na wenbí bɪyaavóo mará awe bɔwóɪ tɪna tɪdaá né.

Wéde 8

Iró báa weení wena yíko iyéle bɔɲyóózi bafúɔ ɪdée tóm téédɪ-dée tómvɔɔráa-jó abɪgéɛ sɪ boomúúli yɪ belée ɪdée yíkowá wentí mará waava yɪ.

Wéde 9

Bedengbím naáɔ bɔɔ yáá balízɪ yɪ téédɪ bɪdekéɛna seríya nakírɪ.

Wéde 10

Iró báa weení wená yíko tómvɔɔráa bɔwe badɪ né yáá gómínantɪ ɪnɪ ɪdée tóm. Bɪka balá wenbí wánjáádɪ né dɛyí-dɛyí-daá yáá zamɔɔ-daá. Bɪlé bɪnáá sɪsɪ babíízi betísi becélé yɪ ɪdée yíkowá yáá wenbí bɪlá ɪdée tɪlasɪ né yáá wenbí bínbɪzɪ bɪlízɪ yɪ tóm-daá né.

Wéde 11

Bɪɔɔbóózi bakpa ɪró báa weení ge boobuuná tóm bɪdamáána kideevééniti-dée lám né, hálɪ bafɔɔná yɪ bɪlá ɔacɪɪ-cɪɪ sɪsɪ waalá wenbí bómɔɔnáa yɪ né.

Bɪɔɔbóózi bakpa naáɔ sɪsɪ waalá bideevé bɪka sáátɪ wenkí bɪdée lakásɪ waalá né, téédɪ yáá dúúlɪnya yíko dɪnáa beéna sɪsɪ bɪdakéɛ bideevé. Bɪɔɔbóózi ɔɔɔɔ bamílɪ ɪnɪgbamúɔ bɪcɛzɪ mará weená baazɪ zaamáánɪ wenkí waayísɪ né.

Wéde 12

Bɪɔɔbóózi naáɔ ɪsúɔ ɪrówó, yáá ɪlé ɪdée koobíre yáá ɪlé ɪdée ɔáána yáá ɪlé ɪɔɔndɪnáa-dée tóm-daá na iwenbíre sɔɔlím yáá ɪlá wenbí bɪté bɪfɔɔsɪ ɪrówó yáá bitisi ɪlé né. Iró báa weení wená yíko mará ifére ɪróɔzɪ na bɪdée kɔɔmóɔ na wenbí sɪ bɪfɔɔsɪ yɪ né.

Wéde 13

Iró báa weení wená yíko ikíli yáá ɪlɪzɪ lɛnlɛ ɪzɔɔlɛɛ sɪɔɔɔ ɪdɛɛ laadɔɔ-ro nɛ.

Iró báa weení wená yíko ɪlɪ laadɔɔ báa wenká-daá bɪkpɛdɪna ɪdɛɛ laadɔɔ bɪka ɪkábɪsɪ kadaá dɔdɔ.

Wédɛ 14

Iró báa weení á bɪgɛɛ sɪ balá yɪ deciridɪ, ɪwená yíko ɪcáa bɪka iyuú yaajɔɔzɪdɛ laadásɪ sɪganaa-daá.

Iráa wenbá baajáa baranáa tɔm yáa badanom ná bowódɛ baayáádɛ sɪsɪ Nations Unies nɛ-dɛɛ mará yáa wenbí bánjáádɪ nɛ tɔmɔɔná boyuú yíkowá wentí dǎáɲmátɪ nɛ-dɛɛ alɪbáráka.

Wédɛ 15

Iró báa weení wená yíko iyuú ɪdɛɛ téédɪbíídi-dɛɛ tákaraɔǎ.

Bɪɔɔbɔɔzɪ bekízi ɪró tákaraɔǎ fáa wenbiré sɔɔlɪm rɔɔzɪ yáa bekízíyɪ sɪsɪ ɪkékɛɛ téédɪbíídi tákaraɔǎ.

Wédɛ 16

Aló na abaaló wenbá baadála sááɛ nɛ wená yíko bɔkpɔɔ dǎmá bɪdakɛɛna taazɪ tɪdamáana tanɔɔ yáa téédɪ yáa adǐíni. Aló na abaaló wená yíkowá dɛyí-dɛyí wenbí bɪdamáana hiiye yáa kɪdɛɛ cɔwɔɛ yáa kɪdɛɛ tarɪ-daá nɛ.

Bɪgɛɛ tɪlasɪ gɛ ɪráa ɲmátɪ banɪ dǎmá naanɪ ná balá hiiye.

Koobíɛ kéɛna zamɔɔ-daá-dɛɛ kpɪndɛ wɛndɛ dɪjaarɛɛ nɛ, bilɛ bɔrɔɔzɪ nɛ, bɪlǎ tɪlasɪ zamɔɔ yáa téédɪ ifɛɛ dɪrɔ.

Wédɛ 17

Bɪnbɔɔzɪ ɪró báa weení ɲɔɔ iriké nɛ yáa zamɔɔ-daá nɛ iyuú ɪcɔɔ dǎcɪrɪ-cɪrɪ.

Bɪɔɔbɔɔzɪ naáɾɔ ɪbɛ ɪrɔwɔ-dɛɛ dǎcɪrɪ-cɪrɪtɪ.

Wédɛ 18

Báa weení wená yíko ɪmáázɪ yáa ɪkuná laakárɪ ɪdɪ ɪrɔɔzɪ yáa ɪlǎ ɪdɛɛ adǐíni, bilɛ bɪgɛɛ ná sɪsɪ wánbɪzɪ ɪkɛɛ adǐíni á ɪzɔɔlɛɛ, yáa ɪdɛɛ wɛnbiréfúúle yáa ɪwɪlɪ sɪsɪ mɔɔ mɛdɛɛ adǐíni ndɔ yáa iwenbiré fúúle. Wenbí bɪríɲa dǎádɪ dɔ nɛ, ɪró wánbɪzɪ ɪlɪzɪ yɛ fátɪma yáa ɪsɪnǎ yɛ ɪdɪ yáa zamɔɔ wɪlɪ-daá yáa lám-daá yáa bowótɪ-daá yáa sɔɔzɪ-dɛɛ lám-daá.

Wédɛ 19

Iró báa weení wená yíko ɪlǎ bayáána ɪdɛɛ lomaazé yáa ɲmátɪ wentí tɪvǎa yɪ nɛ, bɪnáa sɪsɪ bɪɔɔbɔɔzɪ ɪró ɪnyɛ sɪ ɪlɪzɪ ɪdɛɛ lomaazé nɛ yáa ɪdɛɛ sɪ ɪcáa yáa iyuú laabááɾɔ yáa ɪlǎ bayáana báa lɛnlɛ laabááɾɔ kɪm yáa lomaazé na níbáánɪ rɪɲa kpátǎa laabááɾɔ wánbɪzɪ kɪbana kɪtala ɪró nɛ.

Wédɛ 20

Iró báa weení wená yíko ibó kediiiziya zamɔɔ-daá bɪka dɔdɔ ɪwená yíko ɪcɔɔ zamɔɔ-daá.

Bidobóózi bamíli naáru nóoni si ísúu bowóde naqéré-daá.

Wéde 21

Iró báa weení wená yíko isíná idée téédí-dée ketí yáa ibaná nebére baalizí we zamoo-daá né bidékéena dóóle.

Bimóona téédí bú báa weení, á si bokpóo yi timére idée téédí-daá, bofu mará déyí-déyí nná.

Téédí bíya-dée wénbire soolím kéena bedée boyuú téédí-dée ketí-dée kabaazíya, tété tóo ilá daciri-ciri wenkí kulá kamaata balati fatima damá-ro bika bulá déyí-déyí-daá yáa mósire-daá yáa níbaani natiri tidamáana tina né na wenbí bitebulá tété déyí-déyí-daá waalá kamaata kiwili wenbire soolím kím.

Wéde 22

Iró báa weení iwe iráa-daá né wená yíko iráa wenbá badaá iwe né befére iróozí. Bulá tilasi ibízi iyuú ariziki, zamoo na taadewaá dée yíko wenti tidamáana idée iróti né na iditiga idée bízán-daá bodé ; bulina téédí-daá-dée kookari na idée dúúlinya-dée cowore bidamáana téédí-dée yikowá né.

Wéde 23

Bínboozí iró báa weení ilá timére yáa iditiga ilizi idée timére déyí-déyí-daá kama bikálá icoo bika timére féyí.

Bimóona bariga bowená feriti déyí-déyí á bigée baalá timére bidakéena taríi.

Weení riga wánlám timére né, bulá tilasi iyuu feriti déyí-déyí nde wenbí bite bulá ibéemi idée koobire déyí-déyí-daá né yáa wenbí riga bínbuzi bifére boróozí né.

Iró báa weení wená yíko ísúu bowóde yáa isíná bowóde wenbí bite bulá boyoo befére badí boróozí né.

Wéde 24

Iró báa weení wená yíko iyuú feezire yáa amoozé yáa befére yi timére-dée leerí-dée feriti déyí-déyí nde yáa timére-daá-dée níbaawo solóo-dée yíko.

Wéde 25

Iró báa weení wená yíko idi bitálayi na biféré idée alaafiya-ro yáa idée alaafiya cowore ina igoobire wenbí bulá bí kidiim yáa kúsúudi yáa yaadoodé yáa idée alaafiya beemi na idée zamoo-daá cowoo. Bínboozí befére iróozí á bigée idoyuuta timére yáa kudom wáagba-yi yáa igée madafiya yáa weení idaelo yáa iwaalo waazi né yáa weení waalá kóboni yáa weení webedi idée árisiki né bidékéena izoolím.

Wenbá béwe loroo-dée saati-daá né na bíya kumúwaa wená yíko basina wé. Bú báa weení baaloru-yi hiiye-daá yáa hiiye woró né móona befére bariga boro.

Wéde 26

Bínboozí báa weení icáa tilíi. Tilíi caadi waalá tilasi kulá faala. Báa tilíi caadi riga talá faala, bulá tilasi bíya kumúwaa déngu ilá faala. Bíya kumúwaa-dée wilíi kée dóole ge. izámósi-dée tilíi caadi waalá tilasi báa weení ibó ilá ki. Bínboozí bú báa weení ibízi ibó lowo-lowo ngi á bigée weedí iyuú wenbí bínboozí né.

Tilí cáádí waalá tilási bika kiyéle báa weení ɔ́ɔ́ dǔúlinya-daá iyuú ɪdí bika kiyéle ɪráa ríŋa ɪtilí ɔ́amá-dée yíkowá-dée gírímá na bedée kezénbíídi tjaaréé né. Bínɔ́ɔ́zǐ kɪsɪná wenbí bɪdamáána ɪráa-dée baŋmátɪ baní ɔ́amá né, na bedée ɔ́amá cém, na nyɔ́ɔ́zǐtɪ bɪdamáána téédɪ, bɔ́wóɔ́ɔ́wá na aɔ́jíníwá-dée ɔ́amá-daá sɔ́ú na ɔ́ɔ́ɔ́ kɪsɪná téédɪ-dée bɔ́wóɔ́ɔ́ baayáa ɔ́e sɪsɪ Nations Unies né-dée tímé-dée bɪzá-daá bode.

Caanáa wená yíko baɔ́u bebíya tilí cáádí wenkí bɔ́ɔ́ɔ́lées né.

Wéɔ́e 27

Iró báa weení wená yíko ifu ɪráa wenbá ɪɔ́ɔ́lées né, ɪɔ́ bedée nóúɪ tíméré-dée anfaaníwá, bika ɪsɪná-we tilí kífatɪ-dée cáádɪ-daá na iyuú bɪdée anfaaníwá.

Báa weení wená yíko bekéti ɪdée kpɪná na ɪdée ɪróɪ-dée hákiwá bɪdamáána ɪdée kpɪná kífala lám, na ɪdée tákaraɔ́áwá waanmáa né na ɪdée nóúɪ tíméré ɔ́ɔ́ɔ́.

Wéɔ́e 28

Iró báa weení wená yíko iyéle bofu mará nyazɪ yíkowá na kezénbíídi tíwe bɔ́wóɪ tɪna tɪ-daá né bɪdamáána zamóɔ́ yáá dǔúlinya ríŋa né.

Wéɔ́e 29

ɪró báa weení wená wenbí bɪbóóɪ ɪlá zamóɔ́ wenkí kɪ-daá ɪdée ceré-céré kɔ́we né.

Bɪlá tilási ɪdée yíkowá-dée fúúle na ɪdée wánní níni na ɪdée kezénbíídi, ɪtilí sɪsɪ bɪɔ́mɔ́ɔ́ná ɪféle téédɪ-dée mará káma báa weení iyuú ɪtilí na ɪfa ɪráa-dée yíkowá na kezénbíídi-dée gírímá. Na ɔ́ɔ́ɔ́, bɔ́dóɔ́ ɪbɪzɪ ɪfa téédɪ na ɪró báa weení-dée cɔ́wɔ́re níni gírímá bɪdamáána zamóɔ́ wenkí-daá báa weení wená ɪdí né.

Bɪɔ́mɔ́ɔ́ná yíkowá na kezénbíídi tím tilɪná tíndɪ na wenbí laadásɪ-dée bɔ́wóɔ́ɔ́ baayáa ɔ́e sɪsɪ Nations Unies waanmáa basí ɪsɪ bánɔ́mnáa tírɔ́ né.

Wéɔ́e 30

Bɪɔ́bóóɪ naáru ɪkéezɪ mará ana adée nabóru nyazɪ wenbí bɪdamáána téédɪ yáá téédɪ kɔ́jɔ́ó dɪnáa yáá ɪlá wenbí bɪte bunúúdi yíkowá yáá kezénbíídi-dée tóm tíwe tákaraɔ́á kɪna kɪ-daá né.